

河間府新志卷之五

官政志

城池

郡之城築其初莫能詳然觀隋魏之間王琮杜落之所攻守則由來久矣舊志載始宋李肅之然肅之當神宗世而方慶歷中張亢知瀛州拓廣郡郭又在肅之之先也曾鞏興造記云熙寧元年七月河北地震是日大雨公私暴露自通使北朝城壁樓櫓禦守之具寢弛不治肅之因災變之後乃築新城廣平堅壯率加於舊則今城是卽以爲肅之宜也夫河北列城

河間府志

卷之五

城池

一

數十池隍所設河間爲大河間當金元時並爲重鎮置萬戶元帥府總管治其間明時則畿郡如古三輔轉漕之所經南北之所會明永樂中置河間大同瀋陽三於郡中軍部喧填百賈走集故常號饒樂而負戶城郭中蓋彷彿高帝之嘆曲逆矣今郡中空虛居人寡少幾不足當萬家之縣陴堞所環地多曠棄被砮礮而含沮洳顧望左右象等野寇盜兵燹重被破陷死亡摧毀之餘雖以國家太平休息百年旣久而猶未之復又自順治康熙之初所爲三衛者並皆汰罷武官軍卒世籍此者各盡徙去加之河

間無材木之資陶瓦之利民以治宮室爲艱故地
於荒而州稀萃處予聞明中世時郡城四周皆澁水
流抱故常昌阜殷鬱自川流旣徙絕不復至而遷貿
從之雖然古之善爲吏者所至不過期月戶版繁增
人物加庶其必有道以徠之則崇墉重關廬旅駢集
烟火至盛相與和樂以成都會而追曩 幾良二
千石之待於後來曾鞏記肅之所築新城方十五
舊志云城十六里揆諸度數鞏言爲準云今所修城
凡周十三里九十三步

河間府城

河間附郭

河間府志

卷之五

城池

二

河間府城宋熙寧元年安撫使知之

金元之際屢被攻圍肅之舊築多 元河間

總管董博霄繕治之而復完然 甃甃

之工也

舊志無此採元人集中碑補記之

明萬歷

知府朱裳

知縣褚鈇始磚其敵臺十年知府

待復加裏砌凡二載方竣共長二千三百六十二

丈高三丈二尺門四樓四臺舖各四十一濠寬五

丈深二丈至 國朝乾隆九年睥睨多圯垣亦將

頽知府徐景曾知縣王屋霽領庫金重修 一

竣役岬然復增 觀矣城之

馬道四出復於城上東南隅建文昌閣城濠
深同舊制焉其東門樓曰阜春南門樓曰登瀛
門樓曰瀛西北門樓曰拱極

獻縣城

獻縣土城金知獻州高揆築城凡四門明成化二
年知縣盧淵重築之周六里高二丈五尺厚一丈
五尺四門四隅皆有樓鋪濠寬三丈深一丈
十八年重濬正德六年值劉六之亂知縣張大威
縣丞史華加修嘉靖十三年知縣汪鑾濬濠始
二十八年知縣都文奎增置弔橋及敵臺萬歷十

河間府志

卷之五

城池

三

六年知縣趙完璧三十一年知縣石維屏皆加修
葺其東門曰迎曙西曰對山南門曰廣濟北門曰
曰拱極三十九年知縣劉重慶修崇禎六年知縣
王調鼎修磚堞一千有餘十四年知縣王奇才建
砲臺 國朝康熙七年城北門圯知縣王宸出俸
金修繕乾隆三年知縣楊文彩領庫金興修城之
規制一如舊式明年工訖

阜城縣城

阜城縣土城周五里 四築不詳所始明成化己
丑歲知縣林恭廣其址增築之加穿二門於是共

爲六門正德六年陷於流寇知縣梁愷重修
增設戍舖高逾於舊嘉靖庚戌知縣姜密修隆
元年知縣王臣修六年知縣鞏邦固易以磚陴崇
禎乙亥知縣姚鳳修自崇禎壬午城破後垣墉圯
敗國朝順治元年知縣蕭應聘至稍葺治之戊
子知縣張昌祚重葺建東門曰瞻聖西曰守義南
曰長仁北曰中藏康熙庚戌知縣曹邦重修乾隆
十年知縣許熾領庫金重修

阜城志云姜密之父山東孝廉也精於地理來
阜城視密謂城形雙環無衝主邑當有父子兄

弟蟬聯科甲者未幾邑中張陸周祁袁高倪蔣
家皆登第相繼人以姜言爲驗其後張昌祚修
城時割去林恭所拓東城新垣而闕其門自是
科第仕宦者稀邑中街市亦荒寂無復昔之殷
繁矣及曹邦後錢式莊來知縣事以割城肩爲
青龍失纏乃修學宮建文昌閣於其東南爲補
救之法至康熙丁卯而邑生多時珍復發解

肅寧縣城

肅寧縣城本宋平虜砦金時升爲縣其初壘土爲
城歷元中統至元大德時知縣李義李稷焦德用

相繼修築明天順庚辰知縣劉伯川重修周六
東西二門高二丈八尺池廣四丈深一丈正德
子知縣黃霆增加修濬 國朝康熙五十六年知
縣黃世發修乾隆十六年知縣何培領庫金重修
任邱縣城

舊城傳爲漢平帝時任邱所築元至正二十二年
沒於水其規制失考今之縣城明洪武七年知縣
雲霄所建者也永樂元年知縣謝魯修宏治庚申
知縣畢璽隨民居曲折更爲改築以城形如幞頭
因名之曰幞頭城正德間知縣李獻重築拓而方

之周五里九十九步高三丈啟爲四門上有角樓
四十四年給事倪璣貶秩爲任邱令復修角樓而
名其東南樓曰登瀛西南望瀛西北來山東北徵
海隆慶間知縣胡竣德萬歷間知縣顧問俱重修
萬歷三十九年知縣侯提封修西北二門垣墻四
十餘丈城加磚砌工未畢而去知縣賈繼春繼成
之城有濠卽玉帶河也 國朝乾隆十六年知縣
陳文合重修

任邱自崇禎戊寅城破至今乾隆十六年已百
餘歲中間縣令相繼於城郭豈無修葺者乃舊

志終康熙戊午通志終雍正癸丑自賈繼
絕無所載何也考之 國家初元卽以徐淳
任邱縣其時寇盜未靖扞圍方急而明末知縣
白慧元城破殉難後繼來爲令者石可章 命
世當郭夷堞毀之餘宜有從而繕治者然諸志
皆闕如豈果佚而莫徵抑亦無事討訪而惟慢
書故牘耶

交河縣城

金始以石家圈地置交河縣世宗大定七年也雖
爲縣治尚無城郭明宏治十五年知縣周以仁始

河間府志

卷之五

城池

六

初土城周六里正德丙子知縣李天敘增修嘉靖
二十九年知縣崔雲鶴增修置四城門門有樓隆
慶三年知縣龐沱重修梁口易土以磚萬歷三年
知縣張文顯重修東南角樓移縣門外定夜鐘於
其上 國朝康熙辛亥北門大圯知縣墻鼎重修
並濬城濠建橋南門外乾隆十六年知縣尹侃領
庫金重修

寧津縣城

城建於金時明洪武初知縣朱逢吉修景泰三年
知縣謝聰宏治十五年知縣孔公華正德五年知

縣劉秉鑑嘉靖二年十六年知縣

先

繼增修秉鑑濬濠紹先添設敵屋至隆慶二年知縣寇靖復修之始甃以磚乾隆十七年城垣漸圯知縣郝璉方奉文修整

寧津舊志謂土城景泰三年謝聰始築府志明言朱逢吉於洪武中修通志云金始建則明之前固已有城矣元初李邁有過寧津郭外詩云斜照連滄海孤陴入暮烟是建於金代明矣

景州城

州城卽元蓳縣城天歷間蓳尹呂思誠相地修築

河間府志

卷之五

城池

七

舊城形如卧牛思誠截使方正其周四里明天順七年知州楊瓊加廓焉宏治十一年知州馬馭增修城舊惟南北門馭剏設四門正德九年知州徐政建四隅角樓窩舖十六嘉靖二十一年二十九年隆慶三年崇禎八年知州李廷寶胡擇白元蘇瓊皆累修擇築護城河堤增置敵樓箭樓各八其以磚者則元與瓊也崇禎十年知州董碩儒復加修國朝順治十年河決西堤口潰壞垣梁存者十一康熙壬子知州張一魁修葺乾隆九年知州屈成霖領庫銀三萬兩撤舊增築之今城高二丈

四尺周八百六十一丈五尺基寬二丈五尺面一丈三尺加高女牆五尺門上四樓樓高二丈有五尺而署其南門曰景運北門曰景星東門曰景陽西門曰景福舊係土城乾隆二十二年河決山東第三屯被水衝毀二十三年二月知州修禮領帑金改建磚陴二十四年七月工竣

吳橋縣城

吳橋舊本土城歲久盡圯明成化二年知縣張鐸興建宏治十三年正德元年知縣李欽劉鉞相繼修鉞加濬築增其高深裏四門以鐵萬歷二年四

河間府志

卷之五

城池

八

十一年四十五年崇禎八年知縣龔勉惲茲毛焯陳燦俱修其磚城者崇禎十一年知縣余尚春所葺治也磚城高三丈六尺周四里一百二十步通志云正統二年因舊土城增築而不載張鐸吳橋舊志則首紀張鐸與府志同亦無正統增築也觀東光廣文魯載爲張鐸碑稱吳橋舊城壞塌幾盡張侯天順八年來宰邑率在官之人於城之塌者築之又勸邑之能事者義官郜恒等鼎建四門興役於丙戌之秋冬至而工畢魯在張時所紀宜實魯碑又言張功垂成遷秩以

去郡守太原賈公至邑併工竭力助成其事
爲賈公者崞縣賈光也吳橋志又云張以城南
墉湫隘逼近學宮乃拓五十餘步以廣之

東光縣城

東光縣土城前代建築之始莫可得詳惟舊城四
面各一百六十丈高二丈五尺其厚半之凡千
二百有六十堞明崇禎十三年始修築爲磚周
六里高三丈六尺城凡四門門各二重上建樓八
座城四面皆有樓四隅腰舖八座明末兵革之後
惟四門重樓如故四隅樓舖多毀 國朝康熙十
年東光縣知縣常奉文修葺

河間府志

卷之五

城池

九

故城縣城

故城舊臨衛河初無城郭明成化二年河間知府
賈忠奉詔督故城縣知縣唐高度地築之乃移縣
治於今處而立城郭焉高二丈五尺周四里濠濶
二丈深九尺崇禎十三年知縣苟永興以土城難
守乃令里甲均輸易以磚然費不足僅甃東北面
其西南猶然土埤舊本四門萬歷中知縣李承露
崇禎間知縣苟永興俱重修李承露塞其北今門
惟東西南焉 國朝康熙六年知縣吳友聞修

關隘津梁附

景和鎮 河間縣東七十里明設巡檢

陳家渡 獻縣西南滹沱河口也明燕王

此渡河敗盛庸

淮鎮 獻縣東四十里金史地理志交河有

槐家鎮方輿記要鎮當東西孔道明時常築

城今圯

豐樂堡 在肅寧

麴義壘 在河間

梁召鎮 任邱縣東三十里其東南又有羽林

河間府志

卷之五

關隘津梁

十

堡南有石門司馬東北有大務諸鎮並金時

設

宋門鎮 景州西北三十里明設巡司彈壓及

康熙中汰之又州西五十里爲龍華鎮亦設

巡檢司

李晏鎮 景州東北當胡盧河南岸此爲東李

口其西李晏鎮在深州唐時府兵所屯者或

云五代時置戍處

廣川鎮 景州西南三十里唐廣川縣舊處也

州東北七十里爲連窩鎮在衛河東岸與吳

橋接界於此有驛

馬頭鎮 東光縣西三里前濱衛河商旅輻集

鄭家口鎮 故城西南二十五里其縣東南十

八里爲四柳樹鎮皆臨衛河與山東接

安州砦 寧津西北八十里前後兩砦傳爲五

代初屯兵處

馬村砦 任邱西方輿紀要云宋置

馬家砦 故城西北五十里職方地圖云崇圖

茂林可以守禦

商家林 河間縣南三十里獻縣地也行旅必

經者

中五店 寧津東北二十五里宋所置其縣南

二十五里有西保安鎮金所置

半壁店 東光縣北明正德中官兵敗流賊於

此

三老集 景州西陳保勦賊記云劉六結砦於

其處指揮潘綬燒其柵

瀛西四橋 河間城西路城東南路舊皆有四

橋西爲 定東爲天津南爲獻縣往來通

城北門外亦有橋滹水昔經其下

五節橋 獻縣古單家橋也滹沱經其

泛漲多賴以濟明正德中有女五人爲 賊

所掠至此不辱死於橋下故改稱五節

大慈橋 獻縣東淮鎮路通東省直抵天津

劉公橋 任邱趙北口南北往來赴京師孔道

舊有石橋四木橋三康熙十年知縣劉日光

修其圯壞使堅固平坦行者安便故以劉名

臧家橋 在獻縣北十里卽通濟橋也滹水經

焉

青陵橋 在府城東門外俗名百姓橋萬歷十

八年復修連亘六里

劉麟橋 在阜城縣北八里以劉豫子得名有

鎮

中堡橋 在肅寧縣東三十餘里

東莊橋 在任邱縣東三十里

趙堡口橋 在任邱縣北五十里 本朝雍正

七年 敕修

北濟橋 在交河縣東北六十里

南濟橋 在交河縣南五里

淮鎮橋 在交河縣東南

廣惠橋 在任邱縣康熙年 賜額

土橋 在寧津縣南十五里

廣川橋 在景州北郭惠民渠上

安陵橋 在景州東安陵鎮

王孝橋 在吳橋東十五里

白橋 在故城縣南

河間府

河間縣諸壇廟附

社稷壇 在郡郭西門外

風雲雷雨山川壇 在郡南門外

先農壇 在郡郭東南隅雍正五年河間縣知縣

奉文建

文昌祠 一在南關一在縣學後

郡壇 在郡北門

里社壇 明洪武二十九年詔每里各築壇一

周以土垣而不屋與邑厲壇同日祭諸縣皆然

河間府志

卷之五

祠祀

十四

今並廢

城隍廟 在府治西道錄司居之

八蜡廟 在府治西

馬祖廟 在府治西

火神廟 在府治之後

武成廟 在南大街祀太公望配以管仲張良孫

武諸葛亮從祀者東田單至張浚十人西李晟

至廉 九人咸依宋制明時三衛指揮使建

包孝肅祠 府城西北隅祀宋知瀛州包拯今

孝肅祠久圯其主遷附城隍祠中

劉守真祠 在府治西南祀金高行先生劉

明成化正德中累修有碑

旗纛神祠 在舊河間衛街南

藥王廟 在府城西門內

三皇廟 在府西門內少南有明樊深碑今移建

南大街路東

關帝廟 一在府東門甕城內一在斜街一在南

關一在館驛後一在西關外一在府學後一在

縣治東一在南大街

劉猛將軍廟 在城西北隅八蜡廟前雍正初河

河間府志

卷之五

祠祀

十五

間縣知縣奉文建神主驅蝗蝻若世好妨廟者

故令州縣祠祀

名宦祠 鄉賢祠 二祠在學宮傍

忠義祠 節孝祠 二祠並雍正初年河間縣知

縣奉文建立自關帝廟下六祠州縣春秋祀享

皆同後不復著

獻縣

社稷壇 在縣郭西

風雲雷雨山川壇 在縣郭南

先農壇 在縣郭東門外東南古堤上雍正四

獻縣知縣奉文建

邑厲壇 在縣郭北有明張震碑

城隍廟 在縣治西明永樂間建至 國朝康熙

間累修乾隆十二年知縣吳龍見修有碑記

八蜡廟 在縣南

馬祖廟 在縣西

曾子廟 在縣南 里明耿橘建

河間獻王廟 縣東十里明嘉靖十三年知縣汪

鑾建以毛公貫公等配隆慶五年知縣趙三聘

改建有唐世隆碑年久將圯 國朝乾隆十二

年知縣吳龍見修春秋祭乾隆十九年春知府

杜甲與獻縣何培共捐百金虔備祭器又稟詳

上憲以獻王墓前餘地歲收餘利修墓再修祭

器用昭肅敬奉 憲允行立案以垂永久

廉頗廟 在縣西五十里頗爲趙將有功與齊戰

於境上敗齊師故祀於此

龍王廟 在完固口

阜城縣

社稷壇 在縣西郊

風雲雷雨山川壇 在縣南郊

先農壇 在縣東南雍正初阜城知縣奉文建

邑厲壇 在縣北郊

城隍廟 在縣西南明崇禎間自燬知縣何宜重

建 國朝康熙壬子知縣曹邦重修

八蜡廟 在縣南

馬祖廟 在縣西

呂公祠 在縣城中祀明壬午殉難知縣呂大成

雙烈祠 祀明曹倪二烈女正德中建

肅寧縣

社稷壇 在縣西雍正七年知縣毆陽維藩修乾

河間府志

卷之五

祠祀

十七

隆七年知縣尹侃重修

風雲雷雨山川壇 在城南歐陽維藩尹侃俱修

先農壇 在城東雍正七年肅寧知縣奉文建

邑厲壇 在縣城北

城隍廟 在縣大街北 國朝乾隆十一年知縣

尹侃重修

蜡神廟 舊在許疇村康熙五十二年知縣黃世

發改置縣治東偏乾隆十一年尹侃修

任邱縣

社稷壇 在縣西梁村

風雲雷雨山川壇 在縣舊節孝祠南

先農壇 在縣東關外雍正六年任邱縣知縣

文建

邑厲壇 在縣東門外

城隍廟 在縣治東北

忠良祠 在北雄關內祀宋唐介

節孝祠 在西梁關外二祠並明時建

八蜡廟 在趙莊西

五龍潭廟 在縣西龍潭上明成化中常遣官禱

雨新其廟於潭底得鐵牌有尉遲恭字知自唐

河間府志

卷之五

祠祀

十八

時已有之

扁鵲廟 在長桑廟內

長桑君祠 在鄭州東北三里

李公祠 在西門外祀明殉城按察使李楨佇

忠烈祠 在任邱西門外以祀明崇禎戊寅殉城

難者

交河縣

社稷壇 在縣城西北

風雲雷雨山川壇 在縣城東南

先農壇 在縣城東門外雍正初交河縣知縣奉

文建

城隍廟 在縣治西門外

寧津縣

社稷壇 在西門外

風雲雷雨山川壇 在南門外

先農壇 在城東南雍正初寧津知縣奉文建

邑厲壇 在北門外

城隍廟 在縣治東北

八蜡廟 在西門外

馬神廟 在西門外

河間府志

卷之五

祠祀

十九

禹廟 在西門外

景州

社稷壇 在城北里許

先農壇 在城南三里雍正八年景州知州奉文

建

州厲壇 在城東北二里

城隍廟 在州治北明洪武初建明代州牧累修

國朝雍正十一年知州鄭方坤修

八蜡廟 在南堤上

董子祠 舊在北門外至元天歷間縣尹呂思

遷東城之崇臺以修祀事 有像有碑

刻像元學士曹元用撰記久廢明天順間知

楊瓊建祠臺下曰景賢祠而附以高允等嘉靖

三十九年知州張洵修葺祠宇專祀董子 國

朝乾隆十年知州屈成霖重加整葺詳在 州

志

條侯祠 舊在城西明隆慶初知州黃上質改建

城北有馬中錫碑

吳橋縣

社稷壇 在城西關外

河間府志

卷之五

祠祀

二十

風雲雷雨山川壇 在城南

先農壇 在城東門外東北雍正六年吳橋知縣

奉文建

邑厲壇 在城正北

城隍廟 在縣治西北

孫武子廟 在縣治西

馬神廟 在縣西

范文忠公祠 在縣城內乾石橋西祀明大學士

景文范公祠有祭田七十畝 國朝順治十年

之所賜也

杜公祠 在縣西門祀杜公于藩有傳

東光縣

社稷壇 在縣西門外

風雲雷雨山川壇 在縣南門外

先農壇 在縣南門外少西雍正六年東光知縣

奉文建

八蜡廟 在縣北門外

河神廟 在縣西門外

城隍廟 在縣西南隅

故城縣

河間府志

卷之五

祠祀

二十一

社稷壇 在城外西南一里許

風雲雷雨山川壇 在城東一里許

先農壇 在城東北二里許雍正五年故城知縣

奉文建

邑厲壇 在東門內

八蜡廟 在絃歌巷

馬祖廟 在絃歌巷

火德廟 在絃歌巷北

澹臺祠 在澹村祀澹臺子羽

二賢祠 在城南下臨衛河邑人建此以合祀

臺董子焉

寺觀附

潮海寺 在府城西北臺頭村唐貞觀中建宋
和中修

景夢寺 在府西北隅大同衛東寺久廢無蹟惟
石塔存傳名羅定塔塔高二丈四尺鐫景夢字
甚明四方皆刻大般若金剛經字畫頗勁類學
唐時人書北面稍漫餘三面尚完好觀其歲月
則至元二年卽元世所造寺也又舊志載有金
剛寺在河間縣西北興義坊惟有塔存通志因

河間府志

卷之五

寺觀

二十一

之今坊名與寺皆無識者塔亦無踪或舊志稽
考未實訛以一塔而二之歟

資勝寺 在府治正東明洪武中因舊重修
卧佛寺 在郡北卧佛堂村明時人有碑稱元至
正間水發有桑類佛形泝流至此鄉人因鑿爲
卧佛立寺奉之

福泉寺 在獻縣治西明洪武初建永樂三年重
修

勝業寺 阜城縣西南明洪武初建

大佛寺 肅寧縣北大史堤村唐元和中建

鎮海寺 肅寧縣西南宋太平興國中建

石佛寺 肅寧縣石寶村元至正中建

福田寺 在肅寧縣東南二十里舊傳本魏忠賢家祠窮極土木壯麗非常中有璫像及忠賢敗乃改爲寺以居浮屠有爲忠賢頌功德者穹碑尚存乾隆癸酉知府杜甲過此見之命人毀其石有詩記事

龍泉寺 在肅寧縣治東北久廢舊云寺有井月晦而影見井底

興化寺 在交河縣治西北唐貞觀初建明徐佑

河間府志

卷之五

寺觀

二十二

碑云本唐鐘樓寺有大鐘銘刻金皇統七年後圯明洪武初改建鐘尚存

石佛寺 在交河傳言石像浮河而下至此泊岸於夜放光人異之乃建此寺像背有大齊河清三年字刻云

化城寺 在交河薛家窩康熙四十二年

賜額

長豐寺 在任邱長豐鎮唐時廢縣也寺亦唐時建內有唐人墓誌三通陷寺壁間昔人發地得之

度釋寺 在任邱五代時建

大德寺 賢聖寺 青雲寺 在任邱並金時建

金沙寺 卧佛寺 大明寺 廣善寺 在任邱

並元至正中所建者

龍泉寺 寧津縣治東北舊名海螺寺洪武十五

年重修宏敞巍峩爲一邑之勝

王謙古寺 景州城東傳爲晉王謙所建故以名

之與宋門鎮保安寺同稱晉時古刹

安興寺 景州趙官村北魏武平中建

開福寺 景州治西北前有古塔塔有明正統二

年知景州劉深修浮圖磚刻記云觀相輪鐵券
肇自北宋元祐 年始克成工杜氏舊志則云
隋文帝造其級十二高二十二丈濶寬八尺塔
前開宋元豐二年施磚人姓名塔上有鐵龍銅
瓶下有瑜闌石砌內築堦磬盤桓可登相傳下
有海眼通潮故用大石板覆之近代石損發視
上狹下寬如覆斗狀砌極工緻石皆五色中有
方臺圍小石佛千數蓋昔以藏舍利者戶部侍
郎喬宇有詩按元豐宋神宗紀年元祐哲宗紀
年深言與志不合豈浮圖之修始於元豐訖功

元祐而深記未詳歟喬宇宏正時人在深後數十年舊志所謂近代石損發視者當卽在宇時其云前開元豐施磚姓名者豈深前未得見而後人乃見之歟然深近在明時修塔刻記舊志乃不少及何耶智照河北寺塔記謂此塔造於唐時寺亦唐造廢於五代如照所言則非隋塔而舊志謂寺建洪武中者亦非其實歟經緯集云宋初與契丹自白溝分界守臣皆密修邊或治灤泊以限戎馬或起浮圖以遠眺望蓋不欲敵人覺特假事潛爲之故時有拒馬溝望夷

塔之諺開福塔之修於元豐元祐豈其遺意耶開福寺有古塔十二層第二層有碑一通明正統二年知州劉深所撰碑記州志不載其文有云迨今五百四十三年考歷代紀元一書自正統二年逆溯至唐昭宗乾寧二年則合五百四十三年之數其文有相輪鐵券一語似卽爲據

雲蓋寺 景州賈島村傳云本唐時寺島爲僧時居其中

興和寺 景州晉烟村元至元元年建

玉清觀 景州王謙寺東殿閣崔巍中有石山高
可四丈石橋石坊規模壯麗建者遺其年歲焉
普照寺 在東光城西南中有鐵佛長二丈五尺
圍一丈五尺座下有井深百丈

石佛堂 在故城縣東中有石佛金大定四年賜
名積慶院

甘露寺 故城西南周溪村故唐將羅士信廟也
大峯寺 故城西牟村有元老僧勒石銘與護國
寺同爲元時建

東岳觀 舊在交河元輔鄉船留巖金諫議大夫

許古作碑其文雖不工亦是古物今觀廢碑亦
泐

福泉觀 在阜城乾隆初夏大旱有道士坐樹下
指土井謂人曰此水通源西山玉泉可療渴疾
已而不見衆神之遂立龍祠以福泉名之
長安寺 塏名自古垂洛陽伽藍致多勝賞此所
以足志也若乃蹟本無奇事成因俗里巷之所
傳會緇黃藉以託居四百八十旣異南朝之工
一萬三千徒餘北魏之弊斯亦何取乎爾不得
槩書者於法宜在所畧矣

公署

河間府署在府城中王北傳以爲宋時安撫使知瀛州舊治所元世亦卽以其處爲河間路總管府然無碑記可徵今尋舊志錄其始於明代者

府署前設照壁列東西轅外爲甬道二坊岬樹自兩轅入爲大門門東西舍以居隸卒其內爲儀門門東西分列吏舍掾吏治事其間儀門內爲廣廷甬道甬道左右夾樹松槐甬道而上爲大堂入爲穿堂又入爲二堂又入爲知府內宅東西各有屋以治文書以接賓客凡如干楹明永樂中知府王

擇李濬相繼修景泰間知府王儉增飾之成化中知府賈忠重建宏治中知府謝文始大其規模號爲完美宋李肅之後僅見此焉正德辛未七月府治災知府張羽修復之嘉靖癸未知府牛天麟益加增飾丁酉知府袁軒冕甲辰知府丁以忠萬歷己卯知府張問明己酉知府錢楷俱增修 國朝順治初知府張嶙然加葺乾隆二十四年知府杜甲以大堂歲久傾敝捐貲繕治焉

舊志錢楷下注云詹事長州吳寬有碑記今按寬成宏間人與王文恪鏊同時先鏊十餘年卒

安得於萬歷乙酉歲尚爲楷作碑哉吳碑之作當在謝文時舊志誤耳又考明末壬午城破知府顏胤紹殉節死縱火焚其家府署半燬順治初烏程張嶙然來治郡稍稍葺之然未能完自順治初至今百年舊志絕無所記並嶙然不及舊志止康熙戊午至今八十餘年志乘久缺其間寧無繕治者今雖欲訪錄而無從大抵仕宦者既多以傳舍視其居卽一二修其傾圮亦目謂爲非吏政之要而莫之記以至於此也今不得已從其缺也

河捕同知署 在府西卽管糧廳舊署

府通判署 通判駐泊頭鎮署在交河縣東五十里御河西岸

府經歷司署 在府治東

府舊有清軍巡捕管糧管河理刑諸廳又有府之屬僚知事照磨檢校司獄稅課司諸署皆在府大門內東西列其後 國朝復設河捕同知以管糧卽舊署爲理所而管河通判駐泊頭鎮自清軍以下惟經歷稅課存其餘悉歸省汰諸署皆久廢自雍正九年歸稅課於經歷稅使裁

省而其署亦廢

廣成庫 儀仗庫 軍器庫 在大堂西

東庫 幕廳 在大堂東北

戒石 在廳事前今無存

太守題名碑 在廳事署西偏今無存

迎賓館 舊在大門外今爲吏舍

申明亭 在門東明洪武六年建凡有作奸犯科

者書其名罪榜亭中以懲惡耆民里長會斷民

間戶婚爭鬪者集於此

旌善亭 在大門西明洪武八年建凡民有孝子

順孫義夫節婦則揭其名行於中以勸善導俗

二亭今皆廢

武備堂 在府治東南明知府劉敏築今廢

大教場 在城外西北明時置爲士卒演武巡鎮

閱兵之所

貢院 在府城東南隅明提學副使校士署乾隆

十八年郡十一屬公修

中心閣 在河間縣治東

協鎮府 在府城東大街明河間道駐劄公署順

治十年改撫院衙門十八年改總督康熙四年

改提督七年改總鎮八年改爲今協鎮署規
宏大堂廡共八十餘間內有箭廳爲習射地
中軍都司署
守備署 並在大街
諸廢署附
明制內則巡按御史外則兵備使者巡行州郡
所至皆有署又河間爲太僕寺牧地故冏卿之
分蒞者亦在焉又有守備三衛等雖皆廢久無
存書之以志其蹟

都察院行署 在府治前

河間府志

卷之五

公署

三十

太僕分寺署 在府治西南

兵備道署 一在察院西一在察院南今尚存
屋數楹稱小察院

守備公署 在府治西南明宏治十七年設管
河間城操營奉敕守備欽賜銅牌八面立額
曰帥府統轄河間三衛掌印指揮使

河間衛 在府治東南 瀋陽中屯衛 在府治
東南 大同中屯衛 在府治西南三衛並永
樂中建

河間縣署舊在府治前街之東明洪武三年縣丞

趙希賢遷於府治之南

縣署前設照壁大門三楹門內爲寅賓之館丞署在門內東尉署在門內西左右列者爲收糧房民壯房入爲儀門凡三楹儀門內東西吏舍其中正堂五楹知縣所治事也堂東西各有房堂前立戒石後爲二堂入爲三堂多傾敝其前時修葺府縣舊志皆無載者乾隆十六年知縣解承毓出俸整其內宅十八年知縣鄒雲城來任更謀葺治自大門二門大堂二堂兩廊科房班房銀兩庫贓罰庫及影壁皆新繕凡數十楹

獻縣署在城東南隅

縣署明永樂三年知縣王德威建宏治六年知縣王瑞萬歷四年知縣高薦五年知縣趙三聘十一年知縣張汝蘊各重修 國朝順治九年知縣王進忠重修康熙四年知縣丁胤煒復修阜城縣署在城正中明洪武初草創未備永樂二年詔郡邑各修衙署於是阜城知縣嚴叔靜經始焉

縣署正堂後堂廡宇吏舍儀門譙樓皆嚴叔靜所建成化九年知縣林恭修正德辛未燬於寇

知縣梁愷重加修建嘉靖六年知縣許廷
修規模加整隆慶五年萬歷十六年四十年知
縣鞏邦固杜本益尹應祥相繼修自崇禎壬午
兵燹縣與丞尉並借居民舍 國朝順治五年
知縣張昌祚重建至康熙二十四年知縣錢式
莊葺之雍正十一年知縣陸福宜復修
肅寧縣署金始置縣未有署令視事所在城西南
以民舍爲宅

縣署始明洪武二年知縣李明善所建永樂三
年萬歷四十五年知縣劉賢張嗣謨前後各修

國朝康熙十六年知縣孫元亨修四十六年知
縣陳金閻重有建置五十年五十一年雍正七
年知縣王士鳳毆陽維藩相繼修乾隆十年知
縣尹侃修大堂儀門及典史署

交河縣署在城東南隅金始置縣署亦未備今署
始建於明初時

縣署明知縣周以仁建洪武十五年也景泰宣
德之間知縣楊桂杜俊田賦繼葺焉正德戊辰
知縣李堂增修己卯知縣武聰整飾完備號爲
宏麗縣廳事前墀左有井苦不可飲萬歷十八

年忽變而廿 國朝康熙十九年知縣戴聘重修

任邱縣署在城西南隅或曰元署之遺也署前榜曰百里陽春今久泯

縣署建於明初永樂中知縣雲霄謝魯修之其後爲令者劉守臣王齊孫榮仁各加修建自榮仁而下縣志並失之迄於今莫可得記者

寧津縣署在縣城西北明洪武三年建

縣署始建於朱逢吉寧津舊志云其蒞政所名保釐堂外爲大門起臺堞如城闈之制建樓三

楹其上嘉靖三年知縣熊爵常修之復修於萬歷知縣余鏜其後迄今並缺舊府志但書朱逢吉亦不言鏜與爵也

景州州署故東光驛宰署也是爲今治其舊署本元節度使府居城當中

州舊署明洪武初知州蔡景隆因賈德故府改建後永樂中知州田思華成化知州張本正德知州余政謝思道皆重修其改剏者嘉靖中知州李廷寶州判官王愷因災燬而拓舊址悉加鼎新崇禎十年知州董碩儒以前任此州居其

署者皆相繼降罷謂形勢不利乃以東光
治所而遷居焉 國朝順治七年知州張偉
康熙十一年知州張一魁並修雍正六年署後
堂災知州鄭方坤重建

吳橋縣署在城東南明洪武初建

縣署洪武三年吳橋丞黃原所管正統八年知
縣趙忠景泰七年知縣葉茂宏治十三年知縣
李欽正德二年知縣劉鉞萬歷四十五年知縣
毛焯並繼修劉鉞之修也壯麗宏敞有樓曰山
雨在署大門之上後爲兵焚 國朝順治三年

知縣王家楫據堪輿說重樓非利乃不加修復
而署之規模失矣乾隆二十四年知縣麻廷璫
重葺

東光縣署在城內北街迤東唐時爲景州治及元
移景州治蓀縣東光屬焉卽以故州宅爲縣署

縣署明洪武二年典史李從道所營七年并東
光於阜城而署空十四年復爲縣知縣祝仲英
修之後知縣繼修者有永樂之王鏐正統之錢
鋒成化之吳毓弘治之崔騰張英英尤有力云
繼英者爲修禮繕完英績禮部侍郎王瓚爲碑

記之其後迄今並缺

故城縣署縣舊臨衛河未有城郭明成化二年始
建土城然猶未遷治也故城志云河濱之署元至
大元年縣尹萬復中修明洪武三年邑 薛庸修
二十九年邑令錢本中病其隘市材更修之永樂
中王喜宣德中戴恕二令皆加修

縣署在今時者隆慶元年邑令李紹先所建紹
先至縣聞前令常失其印謂署不嚴密乃遷營
於城內北隅邑人周世選有碑至 國朝順治
未已幾百年傾圮不可支康熙八年知縣吳友

聞始稍葺之建聽訟之堂五楹而觀瞻乃肅

倉庾附

河間府

巨盈倉在府治西南

預備倉在巨盈倉後二倉並設自明代巨盈儲
軍租預備以備水旱云今皆久罷

河間縣

縣倉明初建舊稱預備倉在縣大門東 國朝
改常平倉舊倉久廢以府倉貯穀雍正十二年
知縣高琚於西街建新倉

獻縣

永豐倉在縣治大門之東康熙十二年知縣劉廉修六十年知縣范時正於南街建倉十間雍正二年又改舊察院署廢房三間建北廡乾隆元年知縣明晟於北廡左右添建東西兩廡二十間十一年知縣吳龍見於南廡添建東西廡各五間

阜城縣

預備倉在縣治東南明正統中建後圯 國朝康熙三十六年知縣錢式莊重建

河間府志

卷之五

倉廩

三十六

肅寧縣

預備倉縣治南五座大門內東四座明萬曆二十七年知縣成性建 國朝康熙二十三年知縣王道興修乾隆二年知縣周傳昌增修十一年知縣尹侃重修

任邱縣

預備倉在縣治東明時建 國朝康熙中知縣楊州彥修雍正八年知縣錢孫振復修舊有養廉長豐鄭市三倉今久廢

交河縣

預備倉在縣治東北

寧津縣

預備倉在縣東門內明嘉靖初知縣熊爵以太僕行署廢址改建

景州

廣積倉在州治東

預備倉在廣積倉南二倉明末已廢惟存土倉房五十五間雍正九年知州鄭方坤領庫金於州治內造瓦廩四間貯穀云

富民倉乾隆十年知州屈成霖建在州北門內

河間府志

卷之五

倉廩

三十七

東光縣

預備倉共二十四間在縣治東南倉久廢雍正四年知縣董翰芳造土廩六座於縣治東十年知縣蔣壽春建磚廩二座於縣治西乾隆十三年知縣姜之瑜又造磚廩四座並在縣治西

吳橋縣

預備倉在縣治西

故城縣

預備倉在縣治北原十七間雍正元年截留漕米知縣蔡惟義於署蓋瓦廩九間

州縣新置義倉

義倉之制始於隋其始惟勸民自爲擇鄉父老
謹厚敦直者主之而不領於官是以人便而樂
從事蓋其法良意美及唐興猶久承之至唐德
宗時始以官領其事於是義倉廢矣夫原其初
規里各置倉因民所願勸輸而不責其多順物
之情均輸而不爲之強以時出內以通有無歲
儲轉多相濟勿匱故謂之義而凶荒足備水旱
無憂爲積貯計斯尤愈於常平之議定自耿中
丞者也且義倉所以壞於唐者以其官領之或

不便於民不便則事難持久民且擾而官亦煩
是以論者每謂義倉誠善但當聽民自爲顧常
論之末俗多澆羣情私利欲其心知尚義相率
出租共籌鄉里是雖富比封君尚懷吝愴況產
不及中人者哉卽羣勉爲之典守者或因以牟
漁稱貸者或給其償負斯又事勢所必然是卽
聽民自爲其不能爲與爲不待久而輒廢誠有
如此者考諸舊志郡之屬州下縣亦各並有社
倉屢興屢罷其役不一蓋不俟數十年已無能
指其處又前驗彰彰者也雖然欲爲民計保聚

禦儉饑是義倉之行亦誠不可已且民不知自
爲官勸爲之民不可使自主官因爲主之則義
倉不得不領於官又今日之勢也惟官領之母
左牽右掣使民得便於從事久利之道庶幾焉
乾隆十六年 制府檄下有司使各建義倉以
備災饉而導俗歸厚之意寓焉於是郡十一屬
皆有所置設其多者縣或至十有餘處今志之
如左

河間縣義倉

新村 二十里舖 郭村 務兒頭

河間府志

卷之五

義倉

三十九

劉古寺 鎮上 北魏 束城 時村

尊祖莊 閻家村 景和 于家務

行別營

知縣解承毓奉文建凡十四所

獻縣義倉

大章 大村 商家林 凡屯 馬家舖

八章 淮鎮 韓村 崔兒莊

知縣陳上朋奉文建凡九所

肅寧縣義倉

東關 南白寺 劉家莊 梁村 韓村

東擇城 垣城 東芝蘭 南答 王村

西泊莊 南石寶 河村 軍莊 桑園

西石堤 柳林

知縣尹侃奉文建何培修凡十七所

阜城縣義倉

王柳村 傅莊 漫河 小莊 康家莊

劉村橋 多家莊 城頭寺

知縣楊嗣奇奉文建凡八所

任邱縣義倉

辛中驛 沙村 趙各莊 鄭州 王約

河間府志

卷之五

義倉

四十

苟各莊 小征村 榆林堡 呂公堡

樓子村 劉村 長豐

知縣陳文合奉文建凡十二所

交河縣義倉

富莊驛 泊頭 八尺高 文家廟

尹家圈 高龍華 李村 黃遞舖

東新莊 四家營 西新莊 郝家村

潘村

知縣黃元圮奉文建凡十三所

寧津縣義倉

李家鎮 中武店 閻家集 南新店

長象牙 楊家坊 大柳樹店

知縣郝璉奉文建凡七所

景州義倉

安陵 留智 楊八道屯 謝瞳 隆興

龍華 王謙寺 宋門 向化屯 劉集

知州劉光晟奉文建凡十所

吳橋縣義倉

溝店 趙寨 楊家寺 新鎮 曹家莊

柳莊 范家屯 于家集

河間府志

卷之五

義倉

四十一

知縣修禮奉文建凡八所

東光縣義倉

燕台村 陳家坊 燈明寺 歇馬村

陶店 夏家口 邱村 土山 法隆

知縣陳新燕奉文建凡九所

故城縣義倉

南宮莊 南地村 大店基 楊吾茂

十里鋪 駱家莊

知縣鄭鳴岐奉文建凡六所

驛附

國初河間郵驛皆有丞領之至康熙中遞經裁并雍正九年分置天津府驛亦隨地分屬其隸河間者多領於縣而丞所司者有二至乾隆十九年俱歸縣管理將交河縣之新橋驛則改歸南皮縣經管

河間縣瀛海驛在縣治西北明天順七年置爲極衝現存馬八十九匹馬夫四十名餘夫接遞抄牌雜役等一百八十二人共銀五千九百四十八兩一錢九分零閏月加增雍正十一年裁存銀五千三百五十三兩三錢七分知縣掌之

縣樂城驛在縣治西明洪武三年置爲極衝現存馬六十七匹馬夫三十三名餘夫接遞抄牌雜役等一百十人共銀四千一百四十九兩七錢一分零閏月加增雍正間裁存銀三千七百三十四兩七錢四分零知縣掌之
阜城縣阜城驛在縣治東明永樂十三年置爲極衝現存馬七十五匹馬夫三十六名餘夫接遞抄牌雜役等一百十人共銀四千三百十兩八錢五分四釐零閏月加增雍正間裁存銀三千八百七十九兩七錢六分零知縣掌之

肅寧縣次衝馬遞現存馬八匹馬夫四名無餘
夫之屬共銀一百四十四兩六錢九分五釐零
閏月加增知縣掌之

任邱縣鄭城驛在縣學左明洪武九年置爲極
衝現存馬七十七匹馬夫三十八名餘夫接遞
抄牌雜役百三十六人共銀五千三百兩一錢
九分閏月加增雍正間裁存銀四千八百五十
七兩二錢八分零知縣掌之

交河縣富莊驛在縣西二十五里明建文四年
置極衝現存馬六十七匹馬夫三十三名餘夫

接遞抄牌雜役三十三人共銀二千八百十兩
五錢五分四釐零閏月加增雍正間裁存銀二
千五百二十九兩四錢九分零先領於驛丞乾
隆十九年歸併知縣掌之

寧津縣僻遞現存馬三匹夫一名半共銀四十
九兩三錢二分閏月加增知縣掌之

景州東光驛在州治西南爲極衝現存馬七十
四匹馬夫三十七名餘夫接遞抄牌雜役百有
六人共銀四千三百九十八兩八錢七分六釐
零閏月加增雍正間裁存銀三千九百五十八

兩九錢八分零知州掌之

吳橋縣次衝馬遞現存馬八匹馬夫四名共銀一百二十九兩八錢九分零閏月加增知縣掌之

連窩水驛在吳橋縣東五十里衛河西岸爲極衝現存水夫八十五名夫頭十名探事送牌應付雜夫十九名共銀二千九十七兩五錢四分六釐零閏月加增雍正間裁存銀一千八百六十一兩四錢九分零先領於驛丞乾隆十九年歸併知縣掌之舊有驛馬在連窩鎮今汰

東光縣次衝馬遞現存馬八匹馬夫四名共銀一百二十八兩四錢二分六釐零閏月加增知縣掌之

故城縣次衝馬遞現存馬八匹馬夫四名共銀一百四十九兩六錢一分二釐零閏月加增知縣掌之